

KiMakua - Choombone-Uhilhoka Irusho Malhove Matakatifu
- Good-Bad Mind Scriptures

Choombone Irusho Malhove Matakatifu - Good Mind Scriptures

NaMako 5:15 vaaphilhe aya wa Yesu, nkayaamwona ntu o mashoka o unanara ulhe. Aari nakhanlhe ni Yesu, nawanre ikuwo ni irusho chawe mmuruni, onkhaye nkayoovacha.

Luka 8:35 Attu nkayaawa yoone chikhumelhenlhe. Vaaphilhe aya wa Yesu, nkayamphwanya ntu aakumihiye mashoka nakhanlhe vamietoni va Yesu, nawanre ikuwo ni irusho chinankhanlhe rata mmuruni, attu onkhaye nkayoovacha.

Mitheko 17:11 Attu o wowo yaari owiiwelhelha chinene waapwaha attu o Uthesalonike alhe. Yahopochera ntenga wo wiiwelhelha chinene, nkayaawehaweha Malhove Matakatifu kila nihuku wiira yoone akhalhaka alhe yaahimiachiya ni Napaolo ni Nasila yaari ye ikeekhene.

Mitheko 20:19 Nhochuwelha chinre aka wo uvara ntheke wa Athithi, wo wiitimarikha chinene, wo miithori ni itatako chikipantte wo miruku cho uhilhoka cha Ayahudi.

ARumi 7:25 Kinonshukuru Nlhuku nopanga chittu wo iphiro ya Athithi Yesu Kuristo. Alha vano, phi makhalhelho aka, mii kimwanene wo irusho chaka kinoovara ntheke wo malhehero a Nlhuku, nansho mwiiruttuni mwaka kinoovara malhehero o uwonya.

ARumi 8:6 Ukhalhawaya irusho cha ntu o uwonya phinommwiiha nookhwa, nansho chittu chinotawariya ni Iphumu ya Nlhuku phi nowiiha ukumi ni mpuha.

ARumi 8:27 Nlhuku noona mpaka nhina mmamirimani mwihi, hochuwelha moopuwelho o Iphumu ya Nlhuku, ukhalhawaya Iphumu ya Nlhuku nowaalhapelhelha attu wa Nlhuku wo mattunelho awe Nlhuku.

ARumi 11:34 “Mpani nochuwelha irusho cha Athithi? Mpani nooria waavaha irusho cho weettuchiha?

ARumi 12:2 Nhittwarihe makhalhelho o velhaponi va, nansho munhiyek Nlhuku olhokiheni wo urukunusha irusho chinyu. Vavavo phi nohalha inyu uchuwelha uttuna wa Nlhuku ni uchuwelha ittu yoombone inonteelhiha nrima itiminre.

ARumi 12:16 Nkhalheke wo wiiwanana mwaashineneru. Nhiihelhelhe, nansho nchenjeukelheke chittu chikani. Nhiichoone ukhalha attu o irusho chinchi.

ARumi 14:5 Ntu nkina naanyihera wiira, nihawo nihuku nimpwaha mahuku makina, uno ntu nkina oonaka wiira mahuku onkhaye aholikaana. Kila ntu etu, achuwelheke inoona awe munrimani mwawe wiira iholhoka.

ARumi 15:6 ni inyu mwaatti wo nrima mmoka ni nlhove nimoka munthimiche Nlhuku, Athumwanaya Athithi Yesu Kuristo.

1 AKorintho 1:10 Ashilhoko aka kinoulhepelhani wo nchina na Athithi Yesu Kuristo wiira mwiiwanane chittu chinolhumacha inyu, uhiiwanana uhikhale nhina mwinyu. Muupuwelheke wo irusho imoka ni nrima mmoka.

1 AKorintho 2:16 Malhove Matakatifu aneera, “Mpani nochuwelha irusho cha Athithi? Apani anooria weettuchiha Athithi?” Nansho inakhalkaka chiicho, hiyaano nihanaa irusho cha Kuristo.

2 AKorintho 7:7 Kuhewe uwa waya Natito tu, nansho tho niheewa chenre inyu wo waahelha nrima. Yayo ahonihimeria chineera inyu wo uhuvvelha ukoona, chiri inyu ni ihuzuni ni chineera inyu wo uthanana ukinkelha. Nenno nlhove nno nihokiteelhiha munrimani chinene.

2 AKorintho 8:12 Ukhalkhawaya ntu akhalhaka ni nrima wo ukumiha ittu yo ukaviha, Nlhuku noopochera kila ittu ntu inooria awe ukumiha, kuhii wo chittu chihirina awe. (1 Chronicles 28:9)

2 AKorintho 9:2 Kihochuwelha chiri inyu ni nrima wo waakaviha attu ni mii kaheeshipa vachulhu winyu wo nenno nlhove nno mmiholho mwa attu o Umakedoniya. Keerenlhe wiira, “Ashilhoko ihm o Uakaya arii tayari toka mweechana.” Uminda winyu uhaahelha ntukutta no waakurumicha attu enchi chinene.

2 AKorintho 13:11 Wo naanano va, ashilhoko aka, kineera, nikwaha! Nhiwukuwelhiye ittu iriyoothe, nvarechesheke malhove aka, nkhalheke ni nrima mmoka, nkhalheke wo mpuha. Ni uyo Nlhuku o uttunana ni o mpuha akhalhe vamoka ni inyu mwaatti.

Attu o UEfeso 4:23 Mirima ni irusho chinyu chithathuweke cho naanano kabisa.

Attu o UFilipi 2:2-5 Paahi etu nthepeke ukiteelhiha nrima wo ukhalha ni moopuwelho mamoka ni nrima mmoka wo uttunana ni nrima mmoka wo ulhakelha ittu imoka. 3 Nhipange ittu iriyoothe wo nrima wo niwuchama wo wiitithacha nansho mwiitimarkheke mwaashineneru, kila mmoka amwooneke nkunananawe wiira phi ittu yoombone umpwaha mwanene. 4 Kila ntu hilhohe mathananelho awe mwaneneru nansho alhoheke mathananelho a attu akina. 5 Nkhalheke ni irusho thoko yolhe waarina awe Kuristo Yesu.

Attu o UFilipi 4:2 Ni inyu mwaatti, Naevodia ni Nasuntike kinoupepechani ni ulhepelhani wiira mwaattuneke thoko attu alhutanne wo nrima mmoka,

mwi iphiro ya Athithi.

Attu o UFilipi 4:7 Ni mpuha wa Nlhuku umpwaha irusho chonkhaye cha attu, unoshungerera rata mirima chinyu ni irusho chinyu wo ulhutaana ni Kuristo Yesu. (Isaya 26:3)

Attu o UKolosai 3:12 Paahi ukhalhawaya nhothanlihiya ni Nlhuku attu ateelhihiye anttuniya, nkhalheke etu attu o ikiriri, o urera nrima, o wiitimarikha, o umaalha ni o uvilhelha.

2 Attu o UThesalonike 2:2 Mwaatti ninoushontelhelhani chinene, wiira nhikelhiye nipampa chitemachitema mena nkamwaahiya nrima inyu, mena nhithuthushiye wo nnepa, mena wo nlhove, mena wo iwarakha inaanyiheriya ukhalha yawihu, thoko valhe nihuku ni Athithi nihaaya.

2 NaTimotheo 1:7 Ukhahawaya Iphumu ivahiye ihu ni Nlhuku kihii yo unoopopiha, mena, nansho Iphumu yo machiri ni yo univaha nrima wo uttunana ni wiitimarikha.

NaTito 2:6 Thothoni tho, mwaamukeke ashimirawo wiira ni ayo yiithimicheke.

AEbraniya 8:10 Ukhahawaya alha phi malhehano kinohalha aka upanga wa attu o inupa yo Israeli. Athithi aneera, baada yo yayo mahuku ayo, Kinowa kaavaha Malhehero aka mmamirimani mwaya, Kinowa kaahelha mmamirimani mwaya. Kinoowa kaakhalha Nlhuku aya, Ni ayo anowa ukhalha phi attu aka.

1 NaPeturo 1:13 Paahi etu, irusho chinyu chikhalheke tayari, nniittalhe, nshiheke. Nkhulhuvelheke nnema uryoothe nnohalha inyu uvahiya ikatema Yesu Kuristo vanohalha awe uwa tho.

1 NaPeturo 5:2 nshungeke nlhoko wa attu a Nlhuku avahiye inyu waashunga ni weemelhelha. Mwaashungeke wo uhikhanyererihiya nansho wo uttuna winyu thoko chinottuna awe Nlhuku. Kuhii wo nlhulha wo upatta nchurukhu nansho wo nrima winyu wonkhaye.

2 NaPeturo 3:1 Ashilhoko aka kinaattuna aka, ilha phi iwarakha yo nayelhi kinolhepa aka uwaninyu. Nhina iwarakha pilhi chilha, kinolhikacha wiira kiushe irusho chinyu wiira chuupuwelhe moopuwelho orera anowupushakani alha.

NaYakhobo 1:17 Kila izawadi yoombone inokumihiya ni kila ittu izawadi inokumihiya inatiminre inokhuma uchulhu wa Nlhuku oopilhe nchuwa ni mweeri ni ittotwa chinomwalhia wiirimu. Nlhuku hinorukunuwa mena upitikuwacha thoko mittuuchi. (AYubu 23:13)

Upatakulhelhiya 17:9 "Vaa phi vavo vanothananiya irusho cho uchuwelha vavo! Miuru saba chiyo phi miako saba chinokhalha awe nthiyana uyo vachulhu vawe. Tho miuru saba chiyo phi mamwene saba.

Uhilhoka Irusho Malhove Matakatifu - Bad Mind Scriptures

NaMako 7:21 Ukhalhawaya munrimani mwa ntu, mwommo phi nokhumelhelha chittu cho unanara, cho wiiya, cho niiviho, cho ulhavalhava (AEzekieli 38:10)

Luka 12:29 "Paahi etu nhikelhiye nipampa, nhuvihiyaka ni chittu cho ulhia ni uwuria.

Mitheko 12:20 Naherode ahorushiya chinene ni attu o Utiro ni attu o Usidoni. Paahi milhoko cha attu o chechiyo ilhapo chiyo yahorweha ntenga wo waapepecha. Nkayaachokholha wo waapatta Nabulasto emelhelha inupa ya Amwene, wiira aakavihe. Nkayaarwaa u Naherode ulhepelhani mwaha wo waathaniya, ukhalhawaya ilhapo chaya chaakhulhuvelha cholhia chaakhuma ilhapo ya amwene ayo.

Mitheko 14:2 Nansho Ayahudi yahaarumelhenlhe yahowiiha ichimwa ni uphateelha mu nrimani mwa attu ahiri Ayahudi wiira yaapangelhe chittu cho uhilhoka ashilhoko ihu yaarumelhenlhe.

ARumi 1:28 Ukhalhawaya alha attu alha ahokhota ukhalha ni Nhuku mwiirushoni mwaya, ni uyo etu haahiya mu uwonyani mwaya. Phi nlhatu vano no upangacha chittu chihimphwanelhiya aya upanga.

ARumi 8:6,7 Ukhalhawaya irusho cha ntu o uwonya phinommwiiha nookhwa, nansho chittu chinotawariya ni Iphumu ya Nhuku phi nowiiha ukumi ni mpuha. 7 Irusho chinoholhelhiya ni iruttu phi naapanga attu ooniye uhilhoka uholho wa Nhuku ukhalhawaya khanooria uvvara malhehero a Nhuku mena khanovarechesha.

ARumi 11:20 Yeyo phi ikekhiaye. Maritta aatupulhiye wo nlhatu no wuuma nrima, uno inyu mwaatti nneemelha wo nlhatu no nrima winyu. Nansho nniifunelhe yoyo mwaha uyo, nansho nkhalheke mwoovaka.

2 AKorintho 10:5 ni ukwanyulha kila itiyelhelho cho wiitithacha cheeshiye wiira chivingane ni uchuwelha wa Nhuku. Ninoovara mateeka kila irusho wiira chinrumelhelhe Kuristo.

2 AKorintho 11:3 Nansho kinooshanga woona wiira, thoko inwaa chenre aya wo upenyu nkaathepiacha Ahawa, ni inyu mwaatti irusho chinyu chinokukureehiya nkamwaahiya ukhulhuvelhiya winyu wo urera wa Kuristo.

Attu o UEfeso 2:3 We ikekhiaye hii onkhaye nahanaa meetelho thoko yayo manyaattu ayo nikhalhaka wo itama chihu cho uwonya cho uyariana, nipangaka chittu chiriyoothe chinochiva mwiiruttuni ni mwiirushoni mwihu. Ni wo yoyo mwaha uyo thoko riyoote nkina, nahophwanelhiya uhukumulhiya ni Nhuku.

Attu o UEfeso 4:17 Paahi etu wo nchina na Athithi, kinowaamukani, nhikhalhe tho thoko attu ahinchuwenihe Nlhuku, anottwara irusho chaya cho uhikhalha maana irusho chaya chiri mwiipiphini.

Attu o UKolosai 1:21 Ni inyu mwaatti varachi mwaakhalha utayi ni Nlhuku, mwaari amalhaponi awe wo nlhatu wo irusho ni mitheko chinyu cho uhilhoka. (Malhikaaniho 21:27; AEzekieli 23:17)

Attu o UKolosai 2:18 Nhirumelhelhe uhukumulhiya ni ntu riyothe neechoona ukhalha o maana wo nlhatu wo ulhohera wo yekha awe, nokurumicha mwaha wo wiitimarikha wo woothiya ni uthimicha minepa o wiirimu. Ntu thoko yoyo neefunelha irusho choothepiacha cho mwiiruttuni mwawe.

1 Attu o UThesalonike 5:14 Ashilhoko ihu, ninoukurumichani wiira mwaamukeke attu o ureshi, mwaahelheke nrima attu anthemwa munrimani, mwaakaviheke attu ahineechoria ni waavilhelha attu onkhaye.

2 Attu o UThesalonike 2:2 Mwaatti ninoushontelhelhani chinene, wiira nhikelhiye nipampa chitemachitema mena nkamwaahiya nrima inyu, mena nhithuthushiye wo nnepa, mena wo nlhove, mena wo iwarakha inaanyiheriya ukhalha yawihu, thoko valhe nihuku ni Athithi nihaaya.

1 NaTimoteo 6:5 ni uvaanyihana uhinomalha ukhuma wa attu o uhikhalha ni irusho, attu ahiri ni ikekhenne. Attu anaanyihera wiira uvvara ntheko wa Nlhuku phi iphiro yo upatta nhakhu.

2 NaTimoteo 3:8 Yayo phi attu anovinga ikekhenne thoko Nayane ni Nayambre chenre aya wo waakhota ashinna Musa. Yayo attu ayo kharina irusho ni o upisha nrima uhiri we ikekhenne.

NaTito 1:15 Kila ittu iri yorera wa attu orera nansho khiiwo ittu iri yoombone wa attu o nyalha ni o nrima uhinrumelhelha. Ukhallhawaya mirima ni irusho chaya chihonanarihiya.

AEbraniya 12:3 Paahi etu mmuupuwelheke Yesu chenre awe wo uvilhelha upangelhiya ichimwa ni attu o uwonya, vano etu nhoochee ni ukhwa mirima chinyu.

NaYakhobo 1:8 Ukhallhawaya ntu o mirima miilhi, khanooria wiitawara mmakhalhelhoni mwawe mwonkhaye.